

4
f / 5422 / 3263

5422 / 3263

王荅堂全集

臨川義仍湯顯祖著

詩

七言律

長至奉慰趙祭酒鄉思

東朝使節舊丰茸南國威儀盛辟雍獨嘆芳遊
塵蕙幄偶陪春薦入歌鍾鄉心梅蕊休爭迸至

哈佛大學
哈佛
圖書館
珍藏
印

日恩華且自逢太史今朝候雲物恐拚仙氣卽
成龍

送何衛輝時喜潞藩新出

帝子新封接帝鄉何郎新命守河陽江花碧署
年光滿雲氣蒼梧秋色長內史未湏秦法律朝
歌曾識漢循良人傳萬乘旌旗出總爲猗蘭是
國香

送王比部供奉採藥扶持太夫人歸粵比
部故侍御殿中

白雲司發桂花叢綵袖承親碧海東潘岳宴林
逢令節沈郎行藥正秋風先抽美草占年樂盛
取菖蒲益帝聰竝道春祠惟坐嘯也能符遣及
花驄

已丑長至奉陪王趙二宗伯齋居有感

侍從當年玉佩分長陪鍾律報天文南遊爲占
春曹日北望還書太史雲燭殿星華流宛轉鍾
陵雲氣接氤氳微臣自結迎祥履何限金門奉
聖君

懷帥惟審

帥行山陰有
萬壑千山賦

萬壑千山興有餘仙人署裏賦樓居只教卧病
常中酒莫道窮愁欲著書煙月西湖人唱晚山

川南國雨晴初相思兩地無相識待向濠梁一
問魚

池陽余立雲小時是尊吏部君請爲之字
以詩問予復有漢祠官風味否答之

山公臺榭卽逢君愛汝能飛字立雲秋浦兼葭
人自遠春江桃李思難分芳尊幾借清韶色妙
墨傳看錦繡文爲道碧鷄光影在漢宮誰許洞

簫聞

北安門曉望

萬里神臯接帝丘
祠郎齋祓奉春秋
太壇帷幄天臨幸
高廟衣冠月出遊
雲氣早飛僊蹕路
星河還向御溝流
皆知北極朝宗美
猶望南巡燕鎬留

再寄帥思南

供奉園陵五薦新
祠郎初占曲臺春
也知歲日能高隱
無奈心情厭襍賓
湖海浪談天下事
湘流還是眼中人
何年對汝歌聲出
金碧岩前醉幾巡

龍雲卿花燭詩

江海晴雲接帝鄉
曲臺今夕倍年光
恰逢鳴鴈朝陽滿
並對熏爐夕艷長
婦出繡衣門下史
子

當青鬢侍中郎不知池上鴛鴦影肯向仙臺學
鳳凰

送王侍御以論耿公歸蜀侍御故吉州人
自是安成舊世家偶隨雲物映三巴吳兒自愛
彈文好楚叟新知物論譁盡舸江連巫峽雨繡
衣春作錦城花君恩未報難高隱剝取餘冠氣
觸邪

至日聞聖主深居有感

雲物徘徊宮殿閒祠郎簪笏侍僊班飛灰蚤覺
微風應聽樂親知淑氣還萬里神光分泰時長
年子夜接鍾山南都至日逢南至傳道天心欲
閉關

送杜給事入都歸覲

載筆何年侍省闈殿庭今日奏戎機簪裾曉送

風雲積旌旆晴開雨雪稀洞浦花明人映發曲
梁春滿鴈歸飛祠郎薦玉君須入會見乘輿載
赤旂

送黃侍御出遷東粵暫歸洪都

侍御以論
王弇州行

滿歲原知出帝鄉誰言卽餞此年芳春開積雪
歸鴻滯花入晴湖泛鷁長仙井煙霞迴柱史梅
關消息到韶陽高冠繡服堂堂去恨不留臺竟

觸羊

夏至齋居理樂感鶴奉教有述

清卿院宇竹梧寒金奏泠泠聽未闌每嘆僞留
玄鶴影何來雙飲玉池瀾非關聽樂臨涓水爲
許齋心拂漢壇况復自公多氣色羽儀今作袞
衣看

送伍大儀入都大儀舊知澧州是年冬虜

入鳳涼

南國山川照夕曛
茱萸綠酒坐氤氳
烟波似惜湘沅晚
閨閣新愁河漢分
喜見天王朝十月
驚看太白下秦雲
江臯幾片閒秋色
并與登高一送君

送越客

陪郎真得省朝參
年少相過不厭談
東署泛尊

深月色西山別袂影
晴嵐花枝路轉丹陽郭
蕙草春窺越女潭
爲報倚門人漸老
不應遊子滯江南

送京兆郭公

公以立春日北
徵歸闕覲省

青陽雲出映風津
少尹行春始立春
正說舊都遊鳳好
何言芳樹聽鶯新
南臺再出封章遠
吏部曾窺水鏡親
今日掄才向邊急
西征還擬太

夫人

懷路鞏昌汶上

僂郎賞勝逐年新
猶記登臨送入秦
幸好蒼黃逢吏語
那堪衰白障胡塵
尚書起第人原重
太守還家自不貧
最是湖南盛花柳
烟波并作汶陽春

送饒太醫歸東邑

涉江初唱越人舟
別騎三山接勝遊
梅雨潤移江闕曉
麥雲新拂漢祠秋
衣冠署牒逃名得
洞壑迴春採藥留
見說家園能樹果
年年仙杏許人求

元夕送吳叅軍上九年計

已逢人日勝於人
倍賞花燈有百輪
砥道吟歌饒伴侶
可堪尊酒寄情親
垂來定不叅卿老
再

入纔知久宦貧獨恨金臺醉公子留君真欲度
餘春

送史德安

同年年少卽推君才地爲郎出守郎列郡鎮珠
連大澤高齋倚蓋動浮雲江邊歲月虛流賞漢
上風光好寄聞獨有玄湖秋色苦擘蓮時候與
君分

送吳_子見父西歸過運司伯子

蒼兼白露滿秦河年少芳樽玉樹歌別館春情
隨夜盡曲江秋色聽潮過吳儂未斷迷香徑海
賦能添出素波爲到故園梅色蚤可堪青鬢客
愁多

奉答朱方伯

青谿蓮社昔繽紛蘭署風流說使君蜀漢蚤廻

清鏡雪秦關數候美人雲虛開貴竹移高榻爲
想平苗借檄文今夜籬門秋色苦懷人高唱月
中間

萬壽節送顧郎中北上暫歸省長洲

愛子凌波已十年爲郎白首向江天家風自種
僊臺藥鄉俗能歌相府蓮乍可迎涼歸茂苑徑
須度暑入甘泉臨岐况屬天長節慙好朝晨玉

珮連

送趙舍人出守永昌追憶楊用修太史

永昌前宦蜀多賢都尉行邊復少年濁世幾逢
公子俊名家偏着貴人憐歸心片峽飛明月吏
迹連江洗瘴烟知到南中問流寓家家能說子
雲玄

送程中舍還朝

詩

薇垣清切羨中書鳳詔啣飛得自如別路幾逢
花樹密宦情真覺酒期疎江臯曉色侵行佩河
漢秋星轉使車爲報太常能吏隱葱陵長對碧
窻虛

大樓僧真這

銅陵山北九華西秋浦風烟似會稽入座但知
遊褐履卷簾誰解對簪珪新叅漢時神光滿舊

宿花城佛影低爲憶年時歌吹晚月明乘醉下
青溪

問薛太學近洙

歸去橫林動一年薛君章句與誰傳經聲隱雨
初移榻樹色籠晴欲放船未許過家營外宅應
須對嶺矚新田清秋茗椀差饒興爲寄蘭陵石
上泉

送熊茂客從汝歸臨川

面城新宅柳從遮
綠竹池塘望汝家
江上片帆懸夜色
水西春服淨雲沙
榮華欲讓他邊樹
因果難分別種花
爲寄橋門諸父老
肯容陶令說
業麻

送方比部北上

衣繡居然傲白鷗
往往開帷

臨笛渚時時拄笏對鍾山
生波片席迎潮去
積雨千林送客還
同作南郎清讌少
知君留待紫宸班

送劉祠部視學南中

漢渚孱陵路不迷
平夷秋色倍萋萋
須過列郡開神馬
未許祠官問碧鷄
文物自連交海北
鄉音半逐楚雲西
諸生盛有談經興
無事相如到

若溪

戲李季宣

生憎一宿畫蘭撓官裡除身出董嬌着綻新衣
寧惹妬教成舊曲整看調菱花似月嫌雙笑柳
葉無風愛獨搖見說傾城難再得須拚弱草併
織腰

送楊武選入都

定擬蘭尊逗夕曛那堪離思卽氤氳鄉心半入
湖陽鴈春氣初深河岳雲自有恩華臨上苑幾
番精色動南軍請看扶道青楊柳賓從紛紜一
送君

戲贈梅禹金

藕花秋冷菊花殘惹盡垂楊興不闌上客何歸
留佩語美人抽怨入棊彈山中月色忘懷易水

上風心欲寄難衣帶到家應減盡還誰先得抱
腰看

送李于田吏部北上

微波木葉自繽紛雁影離心江上聞澹蕩平臺
過淥酒青葱別署有玄文遊吳竝道人如玉入
洛懸知客似雲爲笑芳林恒獨賞明年春色會
思君

臘憶王道服南海

露冕曾當日觀峰繡衣風色起吳松江邊折柳
春難寄隴上題梅使不逢正朔臨臺青鬢遠長
年泛海道心濃祠官大有清齋日爲報鍾陵紫
氣重

送饒司理順德

伯宗故於予不淺
各亢壯別去悲之

十年棲遶月明枝一日春粧盡樹奇厚祿久無

堂上老長貧多謝里中兒空思幅被通寒夏浪
擬緘書有歲時定過邢臺悲豫子聲音偏合友
人知

送來黃梅

燕雲如馬去江黃醉裏籠鞭點驪驪撲鬢柳花
吹雨色燿衣蘭草襍風香潛廬半入吳都盡江
漢遙分楚塞長爲過蕪城須縱酒此中幽恨卽

難忘

贈趙司理池陽

關霧晴開山翠微風塵笑拂行人衣吹絲碧草
蝶搖映點樹襍花鶯亂飛客子燕歌思獨苦美
人趙璧傳相輝歲華隨意有春酌江上芙蓉歸
不歸

送劉貽哲出餉宣府因携少婦過汝南歸

詩

七卷

十五

懷人促別思紛紛錦帳青臺醉欲曛雪唱自傳
孤鳳曲陽和初入九龍軍春歸草色雙嶠雨家
住芙蓉半岳雲獨恨汝南劉碧玉也持西笑逐
夫君

劉君東下第歸西昌

萬里乘春幾度逢每逢相見不從容燕臺自說

空羣馬僂縣何當起二龍風定擣砧催木葉月
明歌棹倚芙蓉看君未有清寒色湛露零空酒
正濃

和答帥思南

春鶯出谷草萋萋關右傳書喜欲迷東箭晚隨
霄漢北南冠今滯夜郎西叢臺氣色連滄海淑
浦風烟接朗溪具道故人能鳳舉那知郎吏欲

鷄棲

送張蓮濱曲周

張君雪川人其尊
公名御史大夫也

白蘋風色起吳中
僂令飄飄赤縣東
醉着幅巾宜畫史
閒抽寶瑟付青童
漳河樹影邊陰盡
碣石蓮開海色空
便合政成歸攬轡
漢家知有舊

乘驄

答君東天津夜泊

津館蒼茫別未曛
滿簷秋色爲思君
風生積海連山霧
月落長河半樹雲
欲睡動尋千日酒
憐香真惜十年薰
如何咫尺關南道
只似巫空與鴈聞

聞蘭谿令謝客戲贈

積阻風霞滿大鄆
河橋春色迸垂楊
桃花片峽迴龍影
蘭葉深溪飲馬香
日氣遠銷金碧路
風

光半在紫巖鄉從來僂令多遊覽漫道鳴琴不

下堂

書郭武郎畫扇

冰雪汾陽下越鄉幅巾春雨憶遊梁曾從粉署
移僂尉似借籌邊入武郎珠客淚綃分海色玉
人裁素寫秋光愁予獨唱高齋夕月露風多河
漢長

送林廷任之進賢便歸閩省

神君出宰謝林巒鼓角乘秋入建安待唱白華
留客醉卽看青雪照人寒江聲暝合風雲路縣
影晴分日月灘莫便河陽嗟宦拙爲儒初着進
賢冠

送劉子極歸餉蘭州

劉生西笑出蘭州餉道封輅卽晝遊鴈勢連雲

侵岳影蟬聲隔樹見
河流龍門泛雪誰邀賞騎
省吟秋我獨留生長
羌中慣橫笛落梅疎柳詎
關愁

于中父餉薊邊便歸金壇

雲陽僂吏玉青葱
泛酒蒸桃不再同
少府金錢行餉北
長城旌吹護歸東
秋山馬色河流外
古戍蟬聲木葉中
日近薊門邊候遠
幾人長劍在

崆峒

送周鄞縣

座師余相國家鄞也君便道歸湘潭省其兄方伯殿中君

秋盡明州見海槎
郎官星裡帶長沙
並遊蓮府看偏入
暫向薇垣去莫嗟
谷口鳴騶開積霧
潭心側棹倚輕霞
侘山一種河陽色
并是濟湘棠棣花

送王當世理台州有懷天台勝寄乞縣不

果偶及

帝城風彩日飄颻君向中台躡絳霄避暑早辭
河朔飲迎寒初下涓陽朝春旌氣色溫陵近秋
筆風霜海國遙肯借章安容岸幘不妨吟望赤
欄橋

蔣螯父宜春以文履繡胸留別却謝

出谷鶯啼思上林美人持贈惜離心雲鳧朔映

文章重瀉泐波開彩翠深平楚風煙銷別酒宜
春花柳待鳴琴知君畫舫歸朝日長聽潺潺滿
綠陰

寄馬長平理廬州

登高送目海雲東鳴鴈秋生碣石宮小吏廬江
看執法諸侯泗上待趨風鄉心欲賦梁園盡別
騎纔嘶漢苑空不惜放歌今夜好與君千里月

詩

七卷

二十

明中
虞惔然在告

瓊瓏浮闕定星光
河漢風清有
章秋水岍移
新釣舫藕花洲
拂舊荷裳心深不滅
三年字病
淺難銷十步香
剩有閒
美月西湖竹色未
應涼

送李蔚元扶風

玉華僂李種原竒
晻映河陽花樹枝
物色舊逢
關令語扶風
新許漢庭知
秦中過洛歸
非遠臘
裡逢春去
莫遲獨嘆文園多病客
茂陵衰草欲
同時

送王正之宜陽

王郎家世出河汾
似湧龍泉氣不羣
晉代衣冠
逢妙日洛橋車馬候晴雲
春光拂綬何年會曙

色啣杯此夜分珍重城南舊分陝百年棠樹正
氤氳

送王叔父理廣平有懷馬長平

輕拋少室踐雲除見說衙齋好讀書物論幾年
推蘊藉宦情今日喜蕭疎人行涿野砧聲外雁
繞漳河木葉初蚤晚邯鄲應駐節馬卿原愛藺
相如

送長沙易掌故

秣陵煙雨片帆收燕子江邊一醉遊白石滄浪
隨意晚青莎襍樹幾人留星光夜發長沙渚雲
氣春銷古玉州舊愛楚騷應暫掩由來此地易
悲秋

送沅州衛叅軍懷討辰州帥思南

叅軍萬里赴沅辰玉井丹砂與護身人吏到州

看漢節鬼方爲市有鄉親黔陽太守徵書晚徵
外書生碧草春卧向武溪殘笛裡始知爲椽更
宜人

懷姜宣城并贈馮易州兄弟

春遊曾入謝宣城見說馮家好弟兄閣道飛霞
延夕賞水陽鳴雁送春聲久無長袖能留客暫
有高歌可和卿幸好燕昭舊池館幾人來去得

攀荆

送朱應春平湖

御溝垂柳餞金鞵年少爲郎事事宜醉倚蜀絃
歸去晚間歌越棹放行時春開雨氣隨龍母秋
盡煙光識島夷取次花邊一留賞君看墨綬已
如絲

送盧少從馬平歸東粵

詩

難將試劇比投荒二廣風煙似一鄉雪署送歸
歌宿莽風津奏發傷垂楊沾衣海色昭潭盡遠
騎春光鬱嶺長會見府朝收迹遠握中懸璧自
生光

送林志和巴陵

棲鳳城南散紫氛雲陽宮比蚤離羣晴拈碧草
占春色醉濕青裘動海雲梅嶺襍花催漢吏紫
壇芳月映湘君清清最愛滄浪水風定漁歌入

夜聞

送陳仲道餉延綏歸嘉定州

司馬西游賦筆閒相將蜀道出秦關鄉心歷落
焦原上河色蒼茫斷磧間騎影甘泉魚乍躍塞
雲高館雁初還海棠香盡歸休晚解道峨眉似
遠山

送陸震卿大行祭韓藩歸吳

碧海初消玉樹煙
陸雲風色最泠然
王人素帟東堂會
帝子珠衣北地傳
隊露盤中開日影
欵冬花裏送春年
星軒到處堪留賞
莫負周旋路八千

送李獻可賫馬價薊門便携家歸華山

李君同是沈兒
軒先生門人也

休文池館映青衿
每話三秦動我心
騎省晝移宮樹綠
客窻秋夢岳蓮深
佳人竝操歸鴻曲
國士先馳買駿金
爲過薊門東掖望
馬蹄冰雪正難禁

送李明瑞歸華州因餉兵寧夏

來去家門路六千
朔方還寄華西偏
春風旅鬢臨邊草
夜雨歸心染岳蓮
宅近關門宜謝客
國

留郎署足棲賢還朝若問鳴沙戍自有秦陂漢
渚泉

送楊太素中書出祭趙府

春官玉節付羣才獨遣楊修鄴下來襍被自留
琴客語離筵偏爲酒人開梅風曉角催寒送花
月春帆截浪迴見說趙王能好易相過應不話
叢臺

和答南城梅公

紅泉碧磻舊仙壇曾盡梅真幾日懽城闕署歸
春醉晚石門人去鳳飛殘山中月氣清蘭佩河
上風流映竹冠獨道丹青能長價十年初入漢
祠官

送牛光山暫歸涇陽

嵯峨西嶺映參差小坐高鶯出欲辭獻歲客殘

同署曉兼春人憶踏花時池陽荷鍾分新雨煙
水橫琴寄晚颺仕宦向來多曲折君心惟有直
如絲

奉懷羅先生從姑

杖底山河數點煙真人氣候鬱羅天蓬壺別貯
生春酒京洛傳看小字箋鶴淚月明珠樹裡漁
歌風色杏壇前也知姑射能冰雪誰道汾陽一

窈然

送譚侍御歸茶陵

侍御疏閣中政有絲綸
簿爲大璫竊去觸璫詔

旨切責問出何記御
史臺爲言竟謫歸

惠文冠影正冲飛自點秋霜拂繡衣江漢有人

雄畫省絲綸無簿愧黃扉遙帆半落湘雲盡疎

磬全分嶽影微不道清時容卧托草堂猿鶴似

依依

送伍給事謫萬載丞

年來清奏出陪京每向秋江送客行
給事舊從關令尹爲丞新失漢公卿
星通百粵蠻差少地接長沙濕較輕
自是世情能物色不妨黃綬去逢迎

江上逢龍使君話沅辰事有嘆

繡被同舟可柰何萋萋吳楚舊經過
秋風北固

留長嘯夜月南飛入短歌涉世始知愁
宦拙過江真作苦情多深杯莫話壺頭事
浪泊迴鳶看伏波

送魏光祿便過歸覲

光祿前爲侍御時哭其弟茂權

幾逢清論得深過爲喜遙遷柰別何
子舍春懷難自淺人琴秋恨不宜多
青驄氣色連三署鴻鴈風聲隔九河
盡道太官無可獻梅羹今日在

調和

聞姜別駕守冲遷守不知是瀟是貴問之
姜君前戶部郎以忤江陵相謫

潮落錢塘秋雁飛荆南遊子露沾衣爲郎白首
遊湘岸別駕經年在海沂似向點蒼分雨色可
當金筑散晴暉知君不似南中估要使人知漢
吏威

送王可大遂昌

鳳起吳閫向越飄折風高闕映岵巖郎官墨綬
纏星氣僂縣蓮花背海潮琴曲夜聲雲母碓農
歌春影碧欄橋看君瘦骨能輕舉爲候飛鳧入
漢朝

送葉鹿吳明府

君家名德稱清華此縣幽竒似永嘉僂令出關

分用露才人作伴領煙霞
疎山月落晨趨郡福
水雲深晚放衙風俗舊
多遊女思不勞城上更
栽花

寄右武滁陽

奉常東署黯離居
賓從逢君興有餘
夜館聽歌迴騎曉
春城中酒落花初
山當挂笏時看馬
客過濠梁獨羨魚
最是隔江楊柳色
鄉心那惜數

行書

送黃觀察察雲南

觀察鄉親
多南中賈

北門都水歲清寒
萬里南雲映法冠
乍許鄉間來問俗
獨憐妻子不之官
秋山月落雲旗出
絕徼花當露冕看
見說南中稀酒米
數杯行色爲君寬

赴傳觀察宴先向西城夕眺

新懽折簡赴西城戶屢猶虛左席迎暫去樓中
看夕影颯來池上聽秋聲山光積翠晴猶拂露
葉流珠晚更擎月出定知陪一醉恰留懷抱與
君傾

約謝吏部先九日同令弟友可伍山人仲

元造池上

謝郎高卧聽西池樓外風飈滴露枝道有山人

能勸酒不妨家弟一圍碁三江白雁來何蚤九
月茱萸興莫遲正恐登高見籬菊落英先發楚
臣悲

新歸偶興

越江初服映春絲深院爐香隱几時雨氣夜薰
青茵出煙波晴浣白鷗知道遙正自投窮髮混
沌何須與畫眉最好東陂事田作農歌幽谷遠

相宜

雷陽初歸別樂少南文學文學故從其大
人之燕歸青雲峰讀書談予所居北垣迴
武曲東井映文昌爲勝漫云

偶然橋外直星文萬里春銷瘴海氛有客聽歌
來淥水幾年相見在青雲芙蓉小築秋將老菊
蕊孤尊暝欲醺却笑黃金臺上客汝家那得望

諸君

約造謝家池不果高卿便有和作復次

前韻

何曾一造謝家池想象黃花發幾枝漸老荷香
須送酒兼清竹所隱彈碁落葉夜催蛭候蚤遠
天晴覺雁來遲登高發興尋常事未必山川使
我悲

高太僕九月三日天水姬生第八子戲贈

詩

七卷

三

沙井熒熒映子星時維九月自生明春秋興欲
來高子遲慕心知有趙卿秀發芙蓉人就館清
歌子夜月臨城香杯正滿東籬菊爲看成林桂
樹清

八日謝家池宴二首

已覺秋光滿戶庭芙蓉一朵正清泠簾前夕照
煙霞紫座上林霏帳幙青袖拂暗香荷葉徑杯

搖明月水心亭不辭爛醉黃花枕明日登高也
似醒

莫悲桃李散春煙且向西池學採蓮客興浪隨
碁局點秋香那惜酒杯傳花開本末紅宜笑鳥
下波光白可憐是好登高趁明日遠山洲渚正
晴天

九日城樓宴卽事

菊花高節晚相邀
靈谷紅泉氣色遙
睥睨東樓連桂館
軒轅北斗正星橋
金燈映月寒猶薄
紗帽臨風興欲飄
歲晏崢嶸一杯酒
恰逢搖落聽吹簫

小閣

新秋小閣淨炎氛
徙倚歌聲隔岼聞
郭外青山纔薦爽
坐中芳草莫辭薰
煙空雨色搖斜日
江

迥芙蓉度彩雲
竟日淹留那不極
白鷗秋水正爲群

西陵夕照

紅泉碧磴舊追攀
臺榭參差金石閒
海色乍收天外雨
晴光忽動水邊山
清秋積翠雲霞淨
盡日幽芳歲月閒
爛熳尊前隨意晚
欲乘明月弄潺湲

送何生海寧僧歸寄青陽諸弟子

懶向平昌一放衙昏朝隱几是雲霞何妨客醉
僊人館只似僧來施主家獨夜月中思桂子幾
年江上數蓮花春光入坐能多少未必扶風冷
絳紗

送於掌故宰彭澤

香爐晴色映江關鹿洞花深講席閒望氣可能

逢令尹折腰須是向人間經知彭澤天多水坐
厭平昌月滿山向後登高一壺酒不知叢菊幾
回班

送周掌故遷掌寧都教事歸千越與彭澤
於明府同西

平昌紫閣映青牛石碓雲春夜幾秋拜命喜同
彭澤宰之官能得故鄉遊雙江雁泊涼初起七

月驪歌火欲流曾過寧都美風物此中多桂近
炎州

麗陽十憶

翠潭

括蒼蒼色正江南下有嬋娟百尺潭似與空明
沉翠碧應開倒影映晴嵐寒餘洞壑生煙渺雨
過墟原暮色含獨嘆侍臣青鬢晚春衣點染思

何堪

青室

曾羨軒轅架玉臺鬱葱佳氣與徘徊簷楹舊日
垂蘿密戶牖新從鑿翠開便學東華流霧靄何
如少室倚莓苔生香更借芝蘭色天影空青許
看來

桃源

詩

括蒼山裏一桃源似楚桃源較不諳春色也知
浮澗曲美人還似憶湘沅不知晉世今何得欲
向天台未敢言蕩漾東南好溪水折腰終此寄
田園

竹嶼

也無孤嶼似江心祇是崔巍寄碧潯箭竹迥臨
星瀨曉括蒼分與麗城陰春如鼓吹山明翠秋

似瀟湘水氣深曾住縉雲古僊于此中長嘯鳳
凰音

琴石

東溪一枕隱飛湍青碧琴床水面安色映湘靈
閒弄好韻深方響欲浮難波間激玉清誰訴洞
裏流泉冷自彈日暮更爲金石奏迴風吹作水
僊寒

釣磯

一片清寒大好溪
好溪真好溪真
有釣魚磯應須咫尺
通巖子只似尋常在
會稽莎笠雨飄
垂柳岼釣
絲春惹落花泥
無緣更直江潭
客白鷺時飛到
竹西

虛廊

小小逃虛向赤霞
連廊千步亦無涯
簷前細韻

山寮竹檻外長飄
水碓花四注空濛
雲下宿一方清冷
月西斜深歌響屐
曾誰到來去蕭蕭
說暮鴉

響瀨

溪惡何須到永嘉
高灘勢作鴈行斜
崖泉隱枕吹寒碧
山溜迴春吐紺花
避暑煙雲流漱玉
入秋風雨帶鳴沙
蕭疎靜日松濤起
長似高齋聽

煮茶

峭壁

增城大壑幾曾逢積翠搏空此路重插地似應
連海影垂天真欲礙雲容晴籠薜葑朝煙澹溜
折苔班晚氣濃咫尺飛禽不來往何人面壁正
東峰

崎嶇

海上歸雲下石帆嵌空留此夜明巖幽生洞壑
愁龍語迴轉餘花覺鳥啣倒影暫能燦翠碧迴
風長似入松杉闌干溜迹封苔遍道有天書在

玉函

玉茗堂全集

詩

七卷

三九

風雲如人沐沐闕下留夜桂苔
滿山出木天書亦
深銷高幽轉斜芥覺鳥咆
隨深潭噴出英翠舉國
我上飄雲下可神淵空留北
交川嶺幽土所密

玉茗堂全集

臨川義仍湯顯祖著

詩

七言律詩

送連孟準餉薊暫歸禹州

中高片壁自連城得侍同門望不輕
鶯集共憐
芳月飲鴈來翻作苦寒行
崆峒絳節朝雲拂渤

詩

八卷

一

海朱旗夜火迎並道巍峩簪筆裡長河襟帶潁
流清

送徐司理金華司理時以縣屬相戲及之
天臺斜月醉初厭起見雙旌
沸畫簷陌上風雲
籠去馬越中山水鏡行幘香吹梅渚千峰雪清
映冰壺百尺簾道有泉源堪種秫只應留着醉
陶潛

卧邸寄帥思南

卧病高齋倚葛巾陌頭何地着清真畫長門簿
添過客夜短窻紗減侍人西郡酒泉那可乞南
城水井復無因惟堪夢裡期心賞竹箒花溪過
酉辰

送劉襄陽

百花高宴兩留連五馬行春二月天耆舊到時

分吟語遊人偏處是山川南行趙國邊陰盡西
望巴關楚澤連莫學君家前郡牧襴衡相見不
相憐

送戴萬縣

桂苑香銷碧樹秋彈碁尊酒興難酬那愁萬縣
之官遠自愛三巴景物幽雪色鴻冥開臘騎江
心魚復浪春舟安鄉最近神靈雨并作隨車苗

麥秋

送吳太原

才名真作漢田郎十載懷君江水長自擬斟蘭
陪漢署誰令剖竹動河梁恒山郡勢連襄國孟
渚鄉心隔太行今日延陵真適晉聽歌蟋蟀思
難忘

送胡生

詩

寒貂易水過水澌抱劍懷書去莫悲折柳灞陵
聊盡醉落梅羌笛未禁吹揮戈見說迴雲氣疊
鼓聞經破月支歸去陌頭看傳鄧東方千騎亦
男兒

京邸移居留別比舍錢國賢沈胤盛二兄
喬林春鳥接宮墻道是錢郎并沈郎庭翠便成
交讓木窻虛暗度辟寒香顏公醉謔寧妨靜顧

愷聽歌不厭長別去那堪重唾井曾從東壁借
餘光

送徐敬輿浮梁暫歸蘭溪省觀

寒郊煙影散春旌列宿河梁昨夜明劉向早傳
蘭署業阮咸堪醉竹林情舟經浦口齊雲宿縣
到池灘遠月行不用蘭川將酒去玉甌春茗會
人清

送殷無美夷陵

桂樹山中難久淹喜從京國動行幘鄉心送客
河淮盡風物爲官楚蜀兼岸隱竹枝歌裊裊峽
連明月映纖纖才名四十宜公府長笑君家短
後髯

送吳司簿朝朔上都

長年美氣屬天正玉珮全充使者行謁帝早辭

陵下路先春人切去時情鷄聲北闕雲含曙馬
首西峯雪似晴爲道寢園初薦酎奉常原重漢
西京

范敬之醉後有深語醒之

江上殘潮氣不平過逢郎吏得藏名沾花夜雨
留懽醉搖蕙春風起怨情過恨香隨彈劍盡投
心差覺報珠明蕭疎半榻天河語長見樓鴉接

鳳城

夕讌吳駕部署中

銀燭驚風颯玉盃齋餘乘興一過臨松間薦茗
厨煙近竹裡彈碁慢影開客思甌閩能賦海鄉
心吳會欲登臺懸愁十月歸菴水犯雪同誰看

早梅

送陳司勳兼柬魏見泉李千圃二吏部

勳司奏績自河陽相送那關吏部郎大有旌旗
臨別館可無盃酒盡同鄉新波泛鷓鴣楊色舊
路乘驄苜蓿香幸好洛橋名勝在甯將花鳥逐
年光

送何仲雅入對

置酒臨臯拂纜斜參差鳴鴈起晴沙休教興淺
青門柳卽漸春深紫禁花三殿雲霞邀麗藻六

朝人物映輕華郎潛未說江南好遲汝乘軒一
過家

送梁興古暫歸東莞并寄袁萃霞貴竹

每聞深論欲過從恨別靈山幾萬重瘴嶺人才
多伏驥清時選法似圖龍鄉心自試檳榔驛客
路還過紫橘峰更說白人能賣劍不妨樽俎勸

春農

送汪雲陽計部賑秦

中原岐路出三鴉獨夜星輶均玉五車歲氣未占
河上草春情難繫洛陽花西都陸海從誰問南
部風煙亦自嗟爲報連城諸從事好將金粟到
人家

送路鞏昌

名都太守出三齊人地風華映執珪曾過汝園

春霏霏幾年吳署草凄凄千旌半拂花池柳佩
印全封紫水泥賓舊宴餘留綵筆相思無那隴
禽啼

送徐司廳歸越

畫舸悠悠簫鼓聲石蒲尊酒映人清坐隨明月
江中賞歸向山陰道上行暑路獨宜驅傳早涼
園初稱舞衣輕祠郎亦有鄉關思爲報還曹及

早鶯

送蔡體言儀部入都

佳辰上巳與清明花氣雲陰滿客程纔向舊都
深禮樂每當高宴出才情爲郎未覺遷鶯早奉
母將邀刻雉榮極望芳臯倍惆悵送君行似送
春行

七夕送張計部西歸

詩

久從京兆出江鄉秋興能過漢署郎高韻隔籬
纔佇賞疎花別墅稍聞香衣冠勝氣留南國砧
杵鄉心入太行無事佳期逢七夕偏歌遊子上
河梁

漢西門樓春望

江闕風烟積望遙縈迴花鳥屬春嬌誰令澹蕩
芳心起共惜氤氳淑氣飄巧笑步歸沾暝色遠

帆飛落映晴潮青軒露靄暄桃李琴山金尊佳
此宵

送錢用父常州歸覲

玄湖僊署發雲霞旌旆翩翩出二沙浪說故鄉
同宦侶那堪尊酒送年華驚春咲拂河陽柳入
洛回看江上花他日高齋能憶汝蘭皋新試罨
溪茶

送徐士彰諫議辭越憲歸宜興

君歸不作老明經似有封章在漢庭
忽報天台行部遠却憐陽羨故山青
香添畫閣傳經罷雨洗春泉宿酒醒
莫厭此身如病鶴年年清迥憶江汀

送趙國子倅湖

天水名家鄉里賢西山秀色滿雲

國

歌風地爲想春江泛月年芳樹送歸臨極浦
梅花須折向長筵不知松雪齋中帖還似餘波照
雲川

齊山秋眺

相國風流出刺年池陽幽色在南偏烟華欲暗
蒼龍峽石笋長飛菌菴泉洞壑芊緜還自出亭
臺蕭瑟向誰懸祗應遊子登臨意長帶秋江雁

影旋

永嘉送客遊金陵便謁王恒叔參知濟南
江上移舟汝亦聞能來幾日思離分高歌欲下
龍翔雪遠勢如飛雁蕩雲遶夢落花消雨色一
尊芳草送晴曛遊人自說江南好直是東方有
使君

縉雲仙都朝陽洞

西望雲霞近括蒼層巒洞壑起朝陽天衣炫碧
搖晴色丹竈流珠飲日光上界鷄鳴連赤海中
峰樹影帶扶桑軒君正作遊華夢起視咸池鬢
未霜

送宋崇陽暫歸廣漢

可中風物半臨湘冉冉飛鳧別鴈行雪色西峰
含照久歲華南浦逗歌長新將家口過明月且

醉離情傷夕陽搖落未須憐宋玉蜀絃春拂楚
明光

過曾贈公舊宅時參知君如春在秦

天語春過紫鳳飛廬江太守倍瞻依因通筆墨
稱才子自展盃盤借落暉獨拜那嫌交態淺同
遊初覺宦情稀沾衣一夕高堂淚公子秦川客
未歸

平昌得右武家絕次詞示長卿各哽泣不
能讀起罷去便寄張師相感懷成韻

哀響秋江迴鴈聲雨霜紅葉淚山城年來漢網
人難俠老去商歌客易驚貝錦動迎中使語衣
冠誰送御囚行長平坂獄衝星起可是張華氣
不平

和劉季德平昌一盃樓撫琴贈別

爲領佳山到却回石門南望卽天台鄉心度嶺
梅難寄秋意登樓鴈欲來疎竹風泉長自遶一
燈花雨向誰開祇應拂拭江湖外浪槳琴歌酒
數盃

寄樂石帆儀曹

鶯逗湖南烟雨慳吳江夜語孤舟闕山深薄酒
易醒醉天遠輕舄難往還作縣真如懸度國遷

官欲似飛來山子公帝城能憶否下馬常眠
樹灣

送姜耀先寄懷周臨海

偶爾封書去海涯烟霜長是惜容華卽知張緒
當年柳正作河陽一縣花堂上琴聲淒綠水樓
前巾幘起朝霞思君欲似西園語相送河橋日
未斜

卽事寄孫世行呂玉繩二首

平昌四見碧桐花
一睡三餐兩放衙
也有雲山開百里
都無城郭湊千家
長橋夜月歌攜酒
僻塢春風唱采茶
卽事便成彭澤里
何須歸去說桑麻

偶來東浙係銅章
只似南都舊禮郎
花月總隨琴在席
草書都與印盛箱
村歌曉日茶初出
社

鼓春風麥始嘗
大是山中好長日
蕭蕭衙院隱焚香

達公舟中同本如明府喜月之作

世外人應見面難
一燈高興石門殘
生波入檻浮春淺
細雨橫舟濕夜寒
彼岸似聞風鐸語
此心如傍月輪安
不知天上婆娑影
偏照恒河渡宰官

郝永嘉談處郡佳山水欣然

一郡高居接少微郎官星裏送餘輝江天直下
雙門近海寺東來萬法依洞滿朝陽雲乍起樹
懸春雨鶴初飛因君得附雙鳧影未笑吾兼吏
隱非

甌江別鄭生孔授時生可諫朱生九綸輩
少年何意得追隨夢到琴堂亦自疑江寺龍翔

眠雨夜天台鴈蕩聽泉時留連世路青雲曉
漾春波白鳥知他日柴桑歸醉後筍輿相伴五
男兒

孔授人歸寄聲吏民

好在平昌舊吏民如今江表一閒人承明再上
三年計列宿曾班五度春戶外烟霞迴簿領琴
中山水寄情神秣田種後何人醉長笑先生漉

酒巾

答周松陽

長松冉冉月紛紛
夜半留琴奏水雲
夢去河陽花似遠
興來彭澤柳初分
冠拋那用題神武
飯足誰教到廣文
最是折梅春棹裡
相思時許和歌聞

答范南宮同曹尊生

南宮幾歲得爲郎
曾伴飛鳧入帝鄉
薄莫縱歌燕市酒
青春如坐少年場
萊蕪作令堪誰語
子建爲文亦自傷
况是折腰過半百
鄉心早已到柴棗

戲答平昌建亭之問

墮淚書開淺亦濃
訟堂春草碧茸茸
看山忽憶排衙鼓
玩月時分出寺鐘
政與棲鸞同恍惚
夢

因爲鳥得從容何當更說征南事陵谷蕭蕭有
得儂

初歸東高太僕應芳曾岳伯如春

幾年清夢有長安不道臨川一釣竿雲路試留
僂令鷁泥丸初着遠遊冠樽開竹葉風前笑檻
點花枝雨後看直是故人拋未得欲開三徑與
盤桓

憶虞德園初去官時作

風光趣逐有情神樹遶花飛欲墜茵便作掛冠
成下品也應高枕惜餘春山資自覺妨賢久旅
食何當發興新一棹西湖舊烟雨蓴絲菰米最
宜人

憶黃貞父并其高弟羅玄父孝廉

北高尊酒興淋漓映漾黃家千頃陂紫氣山中

雲卧久清寒湖上雪歸遲秋風客思尊千里夜
月天香桂一枝爲問羅含春好在後堂絲竹醉
同誰

次吳本如言歸

五柳初歸髮已班折腰真是強爲顏早知負郭
賓遊滿得似關門令尹閒風散墨香詩卷淨雨
吹花落印牀慳猶嫌太史占雲朔肯放僂鳧倦

鳥還

送王性凝叔彝還盱并問登州王使君

隴麥離離朝雉鳴偶然幽谷兩鶯聲鄉多載酒
來青舫年少遊仙自赤城彩筆夢移波浪穩長
廊春送雨花晴因風一問蓬萊守曾傷麻姑清
淺行

送傅觀察以故重慶起監平播軍

卜築原知傍列星幾年魂夢憶丹青兒童舊愛
巴人舞神女初過楚客醒遂有風雲生絕壑豈
無車馬係離亭鄉思錦繡州前月宵寄書生銅
柱銘

傅參戎朝鮮過家有作

提戈萬里到林胡袍血初乾寫戰圖雪意滿空
貂拂座秋風入塞鴈啣蘆扁舟小隊趨懷玉盃

酒高臺傍鬱孤忽憶書生舊投筆與君搥碎碧
珊瑚

送劉參藩寄問東筦覃見日盧海疇諸子

曲江春老賦停雲病淺臨風一送君暫有公榮
宜對酒那堪孫楚卽離羣高餐露菊逢秋盡細
語霜鍾入夜分更折梅花問耆舊羅浮清隱最
相聞

同黃孝廉太次懷戴司諫廉海

戍客名標漢柱無
武陵悲曲寄門徒
應疎雨露過梅嶺
長憶秋風入鴈湖
地氣遠看猶戴斗
天心難問欲還珠
直恐登高易顛顛
木蘭陂上片雲孤

送葉梧從嶺海歸獨山

幾從山縣聽琴聲
君子堂中禮樂清
老去一官

成浪迹客來千里見
高情梅花嶺外裝
仍薄鴻鴈春歸別未輕
向後獨山風雨夜
相思時有夢
魂驚

葉時陽歸書以期之

山歸百事總忘情
獨有恩仇氣未平
壯子殤來
魂易斷微官拋去路
難行三年兩度同
悲喜千里孤征看雨晴
得借路符堪往返
獨山秋有鴈

來聲

爲亡遽謝平昌諸弟子

憶別絃歌泣鴈行
楚山冤夢亦蒼蒼
將攀浦縣花同發
何意吾家桂卽亡
半死三聲無淚續
千秋一些有情傷
不知向後三生石
能更杭州一斷腸

送朱山人元芳赴總河千越李公之招

遶天江色到窮崖
書記翩翩動客懷
但去雲帆堪截海
相思紅藥正翻堦
傾心座上
行河筆別興壚頭
拂袂釵自是公門能
醉客麴波春送酒
如淮

送豐城游先民宣城訪禹金

閨與殘春三月三
恰逢遊子思江南
盃香曲泛桃花水
寶氣橫飛劍影潭
隔座爐煙分笑語
孤

舟瀑雨過晴嵐年來最憶梅真子浩唱聞鼓碧
玉簪

送胡元吉饒陽

五月驅車亦自憐三回來別見周旋雖貪絳帳
無多日自是文章美少年片月夢回青雀舫好
風歌送白華編芝山秀色年年賞容易秋光玉
茗前

送宜水鄭青陸歸甌寧

端居長夏思紛紜鄭谷遷鶯遠聽聞半榻好風
吹海色一尊疎雨過炎氛丹青閣迥宜衣紫荷
玉山深引幔雲別後故鄉高宴盡不堪吟望武
夷君

送張白雲兄弟歸新淦

斷橋官柳繫船輕年少馮高一送迎玉茗種花

閒令尹秀江紆錦待儒生當歌逸興風前滿漉
酒相看雨後清家在吟峰好秋色鴈行飛作鳳
鸞聲

送朱鴻臚使粵還朝

冰雪堂開寄碧潄蕭然有客自山陰經趨半榻
蓮花府名在中朝翰墨林河朔坐銷殘暑氣嶺
南歸負歲寒心沾襟忽憶常朝日傳唱初瞻王

殿深

送張廣陵

淮海新恩喜復驚太行親舍舊含情知心彩袖
三年別自倚冰壺六月行江棹瀑花吹短鬢石
城秋雨送高旌相思玉茗尊前月得似瓊花夢
裏清

戲答錢塘姜永明

詩

香奩艷曲省曾傳不報情知越妬燕拚死可令
花性惱貪生直爲酒壚憐僂娥作伴防偷藥女
俠難教唱採蓮猶有錢塘舊蘇小打開油壁上
郎船

留別蹇汝上罷丞還皖

帝城風物自羈棲世局談端一馬齊龍尾共窺
雲似綺峩巖相向月如珪攀翻氣象銅梁比澹

蕩文章井絡西不有海沂王別駕佩刀誰與慰
分攜

送黃歸安

年少風神最曲臺復行仙縣稱郎才熄開竹嶼
浮沉玉雨隱花渠大小雷別墅碁行拋舊偶過
堂衣好趁新裁相思莫忘關南信盡寫湖光入
早梅

送馬臨淄時有采木之役

如梁歸騎映繁臺長向關東雨露開浪水豈忘
歌白石雲門兼得候蓬萊清尊鼓瑟齊兒事仙
縣行春漢尹才蚤晚殿圖西使出天淵神水較
東來

喜昆明劉茂學出宰新都緬懷楊用修作
十縣辰方待此君昆池蓮葉佩氤氳家通折坂

風謠近路入朝天井絡分積雪淨聽琴曲理繁
陽初製錦川紋知君自愛青藜色不似前人薄
子雲

七夕送李叔玄新第表還未春成禮

粉面僊郎趨鵲橋歸槎海上路迢迢流蟾桂葉
香攀滿小鳳桐花翠欲嬌直取春粧明錦畫新
分御燭引華宵懸知向後明光夕枕帳薰爐厭

寂寥

送沈師門友張茂一餉使歸覲蒲州相國
有感江陵家世

別酒霜林醉碧曛省郎將餉雁門軍鄉關畫錦
衣如雪沙塞春旗陣入雲紫氣尚憐張壯武青
韶同事沈休文爲報富平堪卧托冠陽今日不
如君

過安福舊邸口號

宦學新移近禮闈行經舊邸思依依飛帘巷口
人曾拂舞轡街心馬似歸粉障自尋題處迹薰
爐重對護時衣歸家少婦迎門問粧閣簾閒燕
可飛

同沈胤盛送錢國賢賚武成侯誥之廣陵
歸覲

杏池芳宴托交新
松樹移居卽舊隣
上路天迴綸誥彩
倚門春屬使車塵
維揚郭外鶯花滿
攜李園中燕喜頻
爲報河陽須妙宰
板輿親御太夫人

聞李元冲無錫入銓

燕吳長望海雲空
千里郎官列宿同
寶氣經年逢令尹
名流今日候山公
累愚時拂金臺霧
裊

睨秋高玉樹風
獨笑嵇生貪卧閣
肯令人在繼交中

送王道父歸侍稷山

王郎白鬢已暉暉
并向恩光入禮闈
鳴驥晚辭中坂起
慈烏春繞夕陽歸
平林月出姜源巷
媯水雲生舜女扉
花下獨陪王母宴
恰分宮錦製萊衣

送婺源潘去華司理東甌

二毛何限興難降
丹筆初馳過海邦
古驛芙蓉雲入幔
石門秋雨瀑臨窓
高標北斗千年氣
皎鏡新安百尺江
豫想還朝侍簪筆
一時清望恐無雙

送陳公衡永嘉暫歸蒲中過別

臨湖秋色秀莆田
選勝新除大玉天
鄉路馬歸

殘燒盡海門舟過夕陽懸
甌閩地氣連星斗
玉謝風光隔歲年
並道公卿饒桂樹
君家能似犬丘賢

聞俞義烏稍懊外除慰贈之

畫塢爐峰隱竹衙
此君才地稱清華
相逢南陌人皆嘆
暫守東遷只自嗟
樹色籠晴雙騎遠
雨聲過雁一帆斜
縣前卽有登高處
會待陶潛就

菊花

徐本充餉遼西歸有懷萬和父

婺源新尹并吾兄此日春筵舊鹿鳴候闕苦爲
彭澤米存鄉先乞度遼行單車北渡愁冰裂遶
鵲南飛愛月明便作紆迴成底事蚤禁華髮向
逢迎

陰南奉常留別沈胤盛亳州

比舍遊蘭共夕薰參差選下欲離羣盃深梅雨
沾衣色歌罷流鶯接座聞僇治自然依道德霸
臺長是宿風雲惟餘濠濮千年意秋水盈河候
使君

沈性父司法求平

茗湖嚶谷正春聲年少驪歌別有情卿月會看
連袂入青雲那逐去旌行家風沈約存南宋國

計田疇在北平石柱未移滄海月瑤琴真對伯
夷清

山陰何比部南行時同觀政春曹輪食未
半而別

食簿輪君興卽殊山膚海籖盛行厨能文未老
過顏署奏試爲郎似許都賸有一金添醉色可
無雙玉護寒途南曹不下山陰勝晴碧花光滯

後湖

戲贈涿鹿劉孺新襄垣

千里虜河苦霧澄捺祛一別會難憑賓階醺月
存歌笑仙院朝天識拜興臘盡扶桑歸涿野春
生片石度韓陵玄明不問山陰訣若大腰圍飯
一升

送陳悅道使餉白登歸楚

詩

長共梅生泣敝裘秣陵高興此時收春官別署
移星鳥秋氣連河辨斗牛晝錦待留三戶語水
衡將餉五原遊應經畫女神靈地一笑君家戶
牖侯

南海郭觀察夢菊約西城寺栞集別袁滄

州文毅

高懷何用結交深綺陌翻爲狎隱尋過雨汾陽

移白恰開春海色薦鳴琴雲浮睥睨烏棲樹月
冷招提鶴在林夜半袁宏高詠罷滄州頭白故
人心

送許鼎臣姑蔑

浦城南望卽鄉關赴詔盈川得往還拂騎曉雲
關樹紫轉帆低照岸苔班生波月上漁郎浦喜
氣春開鵲豆山物論邇來資過客肯從零露一

追攀

寄羅青浦有懷舊令長卿

詔下圍棗與度田五茸飛鳥去翩翩時同漢殿
迎宣札自愛梅花索往篇關月曉舒連騎出海
雲春重一帆懸江東吏迹能招隱有客鱸魚舊
釣船

哭陳寶鷄貞父

鳳去陳倉見玉京楚歌燕筑最含情春漿袖枕
青童送夜雪幃籠白馬迎嘆世動如臨廣武爲
官應與築懷清身後故人誰作誄元方兄妹已
先成

虞長孺話歸飛來峯

幾年芳草思王孫今日離心向爾論歸去月華
雙樹曉飛來雲氣一峯尊花龕入定光難覆竹

浦行歌響易奔更莫衣冠挂蘿薜空令猿鶴夜
驚翻

梅克生座中贈袁天台暫歸廣陵

今日逢君忽不驩十年宿從曲江寒幾窺煙液
浮攀桂復報風心罷采蘭楚客夜過留佩語胡
姬朝醉拂琴彈還嫌失作神仙令只尺天台控
鶴難

馮開之綺閣夜贈徐茂吳

石渠清切綺雲高珍重宜春舊法曹河朔亭臺
過避暑江東帷蓋欲生濤關中納客談何易閣
裏題材事已勞但醉獨愁鄉夢遶西湖風雨似
離騷

送陳瑞實海康

漳山名第得如君漳浦能開錦繡文陌上橫鞭

初接語花邊解佩若爲分關山馬首河流見海
國鷄鳴夜定聞暫向九龍催傳發雷陽春色待
行雲

送費閩簿

風物如人獨儼然公孫家世似秦川曾遊太學
稱高弟爲厭鴻臚乞外遷去國夢隨燕月盡過
家春發島雲連俱夸十里芙蓉色不負鷺湖十

舊箋

西川學使郭參知棊調西粵

目起移官向越賓一時清論滿朝紳新參古色
歸懸鏡舊士高談憶角巾蒼野獨行雲氣在
林閑望洛容春鬱金美酒須饒作荷但風煙老
却人

初秋邀于中父呂玉繩孫世行樂之初邸

詩

八卷

三

閣小飲

巷無車馬殢京華
雨過青熒襍樹花
對客動須眠白日
懷人真似憶長沙
衣開縷篋粘虫落
釧响鈎簾觸燕斜
冠帶和君渾不暑
江南秋思在蒹葭

方衆父選得冀州自笑今日開籠放白鷗
矣因渠服色嘲之

河朔麾旄照別顏
十年秋卷起雲間
抽書觀闕凌風並
命酒軒墀載雪還
遽唱折楊連曙發
應過扶柳及春攀
同門幾月仍同署
具曉襟情似白鷗

戲贈盧國徵使催藥材松江

托道盧郎是國工
春年調御使車同
方夸遠志來江左
便學懷香去海東
玉兔待懸霜杵下
金

人遲和露盤中白頭羽翰尋常事折莫偷窺尚
藥籠

右武侍御視馬

簾捲西山柱笏看風塵馳道雪初乾府中驄馬
隨宜出殿上危冠取次彈去色關梅逢臘盡歸
心陌草避春寒年來印秣渾閑事直是天情惠
養難

南漳魯子與出理廣州過別

未信荆璆老卞和少年風骨動鳴珂行隨世路
追歡少坐歇流芳飲恨多橘漢乍留珠佩語梅
關直上蜃雲過參差六月天池水撥刺飛騰柰
汝何

同丁右武送萬和父婺源

紫陌風暄散遠珂美髯清骨病如何春秋得附

吾流少吳越爭趨晚進多興發松篁時自語佩
參蘭芷日相過心知選勝鳴琴日只愛新安百
尺波

梅庶吉公岑席中送衡湘兄固安

固安孝廉時同

在余許二師南祭酒講下上春
官復同第二師門下云

曾陪相國侍飛簪把劍長安雪夜吟八月寒濤
湘夢遠十年春草禁烟深雲開赤縣雙鳧映花

撲盧臺兩鬢侵復是連枝爲太史每逢朝朔候
輕陰

朝天宮真人夜語

氣成龍虎萬靈朝太乙高煙午夜燒蘸罷星河
迴劍履夢殘松桂發笙簫琴心且試齋中訣寶
眊還馳世上妖不爲盡詢瀛海事止將靈氣屬
燕昭

答帥思南趙北聞予捷喜自嘆不遷之作
燕市何人發遠悰邯鄲薄酒爲君濃三千奏自
遲方朔六百官今過晏容軒蓋飛時猶避鶴壁
窻窺處暫成龍羅施未用愁山鬼大好湘沅雲
水重

送劉司理平樂

四百灘瀧萬里遙莫雲官興遠蕭蕭靈蛇入饌

看成怯翠鳥吟笙久自調過雨竹衫高白驟終
風草閣亞紅蕉休驚少婦啼珠盡留與猩猩血
比嬌

朱大復舒城

鵲渚逢人報好音龍舒君長挾青琴太湖水色
經灤淺郎位星光入斗深秋士共悲風薄木春
官曾佇月開林漢臣朱邑原鄉里家國情兼歲

祀臨

寄傅郎將

君家門戶起樓蘭幕府新參兩鬢殘
徒步封侯當日易可人相薦此時難
火旗夜扇閩山熱水劍秋生海國寒
却笑同時章句友一生金印不曾看

鄴中關繆侯祠

趙壁叢祠非故鄉漳河懸絕舊荆襄
輿圖并借揮戈色廟貌全依秉燭光
運去英雄猶嘆喑靈來風馬欲踰跟
今朝朔望流歌舞何似銅臺對

魏王

玉茗堂全集

詩

八卷

三

玉茗堂全集

寄傅郎將

君家門戶世樓蘭幕府新參兩鬢殘徒少壯年

騰王易川人似鶴此時難火旌夜易聞山然

來風黑燈似劍舞今陣陣望飛烟幾何如阿臺樓

聯丈可國照全外乘毳火戰去英那斷製習靈

鼓擊蕭師非姑濺龍既纒發誓隄寒輿圖未肯

玉茗堂全集

臨川義仍湯顯祖著

詩

七言律

恭遇端陽 賜閣部官臣采扇宮縷諸節

物有述

令節恩華半水蒼綈賓朱曲御金堂九華扇出

詩

九卷

一

分涼遍五色絲縈續命長帖艾靈符教辟惡浴
蘭風物鎮生香上陽百草無心鬪競折葵心捧
太陽

春卿初夏喜雨敬和
觀政時作

龍角宵闌敞曙曦春官對雨出花遲輕占夜畢
含卿月淨洗朝埃拂帝墀襍霧暗沾三秀草和
風新濯萬年枝爲霖得奉人天喜還憶高齋護

麥時

懷計辰州

徙藥攀條興不違古來賢達宦情微愁心欲報
流黃素遠意空留明月暉桂嶺雲霞過客夢武
陵煙雨逗人歸同在都門不相見可因岑寂避
芴菲

前廣昌令胡君仲合白塔小飲

眼裏金臺不可登
江天一醉幾年曾
歎巾曲檻
過鳴雨躡步斜
陽到塔稜
咏逐蟾流開
夕帳坐
分蟲語暗
秋燈談交亦
自風塵好
獨宿孤遊也
去能

送丁休寧

曲江兄弟半吾遊
總愛鶯聲出谷流
紫氣獨參
蓮幙曉白巖相候
水廉秋春心賦
傍絃歌發夏

口歸兼燕喜留
共道三公人可作
功名渾欲傍
孫劉

潞河迎拜龍峯張
老師公起越中
卽授虔
鉞舟中琴客碁
師蕭然未夕高
而賦之

爐峯瀑水自招尋
十載煙霞積望
深河上
寒帷
新繡斧關南迎
拜舊青衿身非
從吏容窺局心
在明王獨抱琴
秋月半空渾不
暑偶然乘雪坐

山陰

劉君東下第南歸

漠漠蒹葭映夕陽
同人秋鬢十三霜
烏棲夜月移檣影
蟻泛春風拂座香
筆墨與隨歸路緩
綺羅情共落花忙
猶憐獨馬關南去
滿目青雲一鴈行

再送君東

風嘶鬱柳聽蟬悲
洛下彈冠歸去遲
尚拾流螢窺太乙
還驅積羽向天池
雙歌舊國桃根葉
獨嘆承家桂樹枝
青眼送君頭欲白
十年多半里中兒

第後寄玉雲生有懷帥思南

深尊小拍近如何
興淺當年恨別多
秋幙有情留燕語
春林無那厭鶯歌
香風射雉饒丁壯
生

氣臨書有甲科解道適予能極浦故人雙鬢古
牂牁

送陳立父理越

承家丹筆下青墀雲杜葱蒼玉樹枝世次共推
陳子傳刑名高借董生惟風光絕嶠雲凝處雨
氣殘潮月上時飛旆自饒清興發越東山水最
宜詩

送錢用父江陰

新拋浮玉共朝參車服籠身百事堪一騎到江
乘夜色雙旌迎路擁朝嵐時非季子空摹碣客
過春申肯罷談最好鄉關連震澤含山煙雨正
東南

劉思雲錦衣謝客服餌代諸詞客戲作

舞盡琵琶奪盡籌錦袍長對敞貂裘身當列第

宜張楚客向登樓欲傷劉鼎似芙蓉那換醉芝
如翠羽詎銷憂年來世路縱橫裏公子何能學
卧遊

送時確山暫歸蘇臺

蘭省香銷盡日閒綠槐幽鳥晝綿蠻蕭齋慎夏
憐同病客舍悲秋送獨還欹棹雪迷芳草徑轉
旗春動穆陵關思君正在留連處一榻棊書酒

斗間

過宛平縣治憶庚辰春雪寶鷄令陳貞父

同訪李峯峯時雙鶴飛舞今峯峯已去

郎位而貞父物故鶴猶迎舞茲焉悲之

居然赤縣在神州不是龍門共太丘白鶴懊來
迎舊舞玉鷄飛去夢前遊傷心有客山陽笛滿
目無人雪夜舟好語世人珍重別交情生死卽

難求

送任文庸理鞏昌

蘭署君初出隴西暮雲春酒惜分攜曾無候吏
來朱圉卽有家書護紫泥滿日鴛鸞迎岫舞出
身鸚鵡背林啼門庭舊事清如水法宿高居太
白齊

張司法入關有懷李漸老中丞

百泉泉上拂車塵京洛辭秋遠入秦關傍芙蓉
雲氣紫鴈迴高掌月華新金科暗用儒家筆水
鏡光隣上國珍爲報卿才除陸老可將深坐向
誰人

陸公五臺與李公
有道濟之望及之

送周明行臨海

旌蓋霏霏遶曙霜仙鳧秋映鴈南翔川分闕嶺
江雲盡山入高麗海岸長千里家園馳御母三

台列宿始爲郎知君未愛元明飯暫與加餐思
不忘

樂石帆旌德曉發

關門塵動日猶啣樂令杯行興不凡舛馬驚香
新墨綬鳴鶯出谷舊青衫秋風隴首雲隨蓋夕
渚鄉心月映帆僻縣到來心自遠棊中山水隱
層巖

劉諫議出鎮金州暫歸長白

妙迹西遊諫草閒憂時長似映心顏太常陵事
清齋入長樂鍾聲遠夢還副岳廻旗開白雨靈
河邀佩出藍關由來隴塞功名地不說吳都侍
從班

送姜司農入秦

茂宰曾標濯錦才同官幾歲鳳凰臺書通蒟醬

時抽簡酒到郾筒一命杯遂赴秋期秦隴上卽
看春色漢江廻涼州舊宅渾無恙長似西平駐
節來

送習司業赴北徵

習前官太史以
失江陵意謫

爲著陽秋出建章十年徵拜自儀郎承華漸入
東僚貴佩玉還留西序光暫過琴亭貪衣錦須
參講殿一含香清時舊德宜開閣獨笑孫弘在

太常

李惟寅宅恭閱洪武 天容衡岳碑有贈

神爵推恩接上勳列侯人地恣推君新開禹跡
移朱岳舊展天圖拜紫雲畫省半參江左客柳
營初按殿前軍甘泉羽檄年年異漫倚清時卽
好文

送張客曹備兵安縣過家青府

曲臺風物正吾流竹塢花溪幾獻酬遷客舊題
華省恨爲郎新作錦官遊家山海日過殘暑閣
道秦雲屬蚤秋萬里雪山當露冕知君挾纊古
綿州

送顧思益膳部

桂苑分華得金年曲臺文物早周旋陵祠再接
春官禮歲氣雙歌雲漢篇奏計甘泉逢避暑歸

心大火欲流天清秋攝篆真饒事剩與閒曹乞
俸錢

至日恭聞 皇長子有慶兼以雲氣占年
喜而敬作

神臯千里鬱葱青鸞鶴三山繞御屏齋宿但陪
雍時禮端居惟覺奉常醒得逢長日皆天日幸
好前星接帝星滿日黃雲新歲美應書寶鼎在

明庭

神樂院夜醉羽客

有客那教不醉回
惜無多酒注深杯
鄒生正解談天去
蕭遠何曾辨命來
帝樂西樓遲夢曉
空青南圃逐花開
煙光海色尋常度
未道年年鬢髮催

陵下寄新野申齋宗正

大府周南接華嵩
親賢文物映江東
書抽翠碧流溫水
詔領鴛雛出閩風
宗室舊推劉子駿
王孫今作魯申公
千秋一倍章陵色
自是鍾陵氣鬱葱

送臨海王福州暫歸覲司空作

爲郎飛割有才名
漢守威儀重列卿
暫與初禪遊戲出
寧妨終宴踏歌行
東甌地脈高連海
南

部星分赤遶城金向中丞饒問業青箱還與記
昇平

初入秣陵不見帥生有懷太學時作

佳人遲暮思何其直是郎潛世不知世路未嫌
千日酒才情偏愛六朝詩入門便坐從炊黍上
榻橫眠聽解頤獨怪過江愁欲死眼前秋蟹要
人持

送敖學正同知大理

家世初當紫淦城楚黔流寓借才名心知故國
琴尊淺愛聽諸生絃誦清萬里靈關新佐守五
雲春色倍逢迎一官何日麾能得洱海蒼山不
厭行

爲濟南周太常堂翁從金陵寄壽楊太宰
太夫人作

碧霞春重海門煙大老承家最得全總是東人
宜讌喜遙從南斗拜真僊桃花峪暖三千歲青
鳥函開尺五天朝會自公初進酒年年聖澤下
中涓

人日奉別郭京兆并懷李漸老都堂

河尹初徵入帝京陪圻簪紱迸逢迎三秋佩惜
紅蘭晚七日盃露綵勝行親在家園逢令節人

霄漢接春聲何緣更借中臺色四海仙舟李
郭清

公餞重陪郭京兆暫歸晉江京兆起清江
令爲御史有清直聲

看君真似玉壺冰南北長爲京兆丞人人入新年
宜薦酒春祠太一待燒燈祇聞舊國歌風好曾
見清江攬轡能綵鷁動攀羣俊滿一時雲海映

飛騰

牛首飲林尉平將出守南寧卽贈

寺湧煙花滿石梯還畱春閨與攀攜端居玄武
湖心北出守蒼梧雲氣西月上芳林人去遠霧
迷銅柱鳥飛低心悲道暘南行日江嶠籠晴挂
飲霓

送蔣祠部使歸宜興

仙郎鳴佩出東曹碁局芳尊整自豪興匝香臺
還芍藥禮成原廟恰櫻桃春風閨月宜陽羨舊
宅滄浪似漢臯爲報明年聽鶯蚤君來吾欲泛

江濤

魯公如春備兵湘中徙視秦州茶馬有寄
世路悠悠鄉里親端居忽忽意中人鄉書近鴈
宜留楚國計平胡欲借秦日照宛駒成汗血風

生漢節動情神何緣一劍崆峒外州縣徒勞困
此身

寄李銅陵有懷余參知先輩

神泉候館得神君彭澤鄉音接署閩興發天船
雲際落朝迴仙履漢庭分梅根歲月逢南驛鵲
渚風煙望北軍獨是參知舊來往爲予長拂五
松雲

真妃院送井九一歸池陽

諸主好事與談文井幹凌雲動不羣賓從春曹
南典客主家僊館上元君林花岸拂舟前雨隴
麥江搖衣上雲別後心期在秋浦十年秋色幾
平分

送陳比部憲蜀暫歸福清

西郎南署未浮沉執法新看橫帶金福海旃檀

逢世早玄湖煙月映人深孤雲一握旌麾色長
路三秋井絡心便似嘉江向離席竹枝千里暮
猿吟

達公忽至

偶然舟楫到漁灘慚愧吾生涕淚瀾世外欲無
行地易人間惟有遇天難初知俱葉隨心喜得
似拈花一笑看珍重別情長憶否隨時香飯勸

九卷

悠然堂括蒼賓巖師隱處

洞壑辭春蚤閉闔偶然開戶見南山悠悠欲傷
停雲去忽忽那知采菊還碧海心期扶杖裏名
山遊記卧樓間朝霏暮沓成何意傲吏懷人向
此間

送丁生濟南訪舊

詩

綠雲晴色映江干，罷酒乘舟一送歡。
一飯共憐滄水使，十年初謁漢祠官。
新知結綬人情易，末路分金古道難。
莫爲秋風苦畱滯，鵲山明月夜飛寒。

分水縣訪桃溪潘公仲春出桐廬秉燭遊
僊洞香襲人衣十餘里不絕

分水懸帆就索居，霑巾信宿下桐廬。
青山晚棹

桃溪遠，紅樹愁。燈草閣虛仙洞半空行。
炬蠟生香何處滿，簪裾開舟更下神靈雨。
煙霧霏霏總襲予。

送吳漳平

琅琊笑語頻，因分醉玉表情親。
親來攀桂樹，各去芻梅花。
問海人別棹，移旬將慰母仙。

辟瘴好隨身，離懷獨贈西山雪。
持照深裾覆

淺塵

次韻蔡青門雪唱

遊子開尊奏苦寒青門餘雪動簷巒影英似拂
梅花笑積素徒悲蕙草殘自有仙人明鶴氅可
無泉客奉珠盤春箋几閣能霏映長作雲霞半
壁看

送汪青城

高宇榮光翼太河梁園歸去莫蹉跎冰漸洛浦
黃塵少春傷雲亭碧草多見說閒情高飲興能
憐孤憤一經過由來漢署憐終賈半壁青城奈
汝何

答張兆文

衣冠馳道出香街書到纔開百日齋已報珠輪
隨月長誰教寶劍逐年埋千秋氣色空流覽十

載風煙有素懷爲道四愁能見擬陸機家宅近
秦淮

送南贄侄

舊與周旋懶折腰秦關漢縣此中饒煙花曉動
連雲樹雨氣秋深亞柏橋扇裏行塵過暑路尊
前別色起良宵龍門再度應回首慚絕何將比
市朝

寄章衡陽吏部公舊以郢令起當塗清方
見擢喜之

氣連三輔日舒遲猶記荒疲奏最時世路玄同
關令識故人踈懶巨源知當筵尚駐陽春曲過
里微開卷盡詩欲附青雲渾不少獨憐寒谷未
應吹

寄麻城陳偶愚懷梅克生劉思雲

逐夜秋風動井梧幾年無雁向江湖花邊說夢
銷閒好句裏拈禪發興殊幕府才華千古盡錦
衣人地一時無曾同弔屈今垂老猶自招覓楚
大夫

城南塞上李東華少年以善禁方得幸貴
人補吏往赴于越李開府薊門調理將士
十年旅食路猶窮一騎纔嘶塞上風幸以岐黃

趨大府總將文墨事深功方抄熠燿曹丞相丸
奉蟻螂馬侍中軍吏自公微問取藥籠能許護
英雄

金右辰客相公所過訪上藍

偶從一食過伊蒲自恣堂誼飲興殊勝事芙蓉
依綠水高談罔象出玄珠徵歌怕逐千人和授
簡傳驚一坐無更上閒雲高百尺時時殘醉倚

江湖

同孔陽宗侯陳伯達陳仲容小飲閒雲樓
子墨掀書氣若芸我朱清酒笑爲羣江鷗浪蹙
臨樓淨風燕簾斜覺坐曛遠磬一聲分暝色暮
帆千里帶晴雲扁舟欲濟何年事領取閒情問
相君

明遠樓陳伯達陳仲容仲宣去諒夕燕前

有宗生在座引去留之遲歌兒壓雪不
至

南河五月似新秋晦日舉帷接勝遊酒半竹厨
連霧暝夜深渙火帶螢流門迴綠草分車馬座
借青藜切斗牛莫爲麻衣驚避起高樓曾爲至
公留

湖風日夕雨初晴鎖院堂開坐復清堂迥客過

歸燕喜草暄人語夜蟲驚高歌轉覺停雲重艷
舞那須壓雪輕况是斗牛清切地陳家今夜德
星明

送曾東鄉廉州以予前謫雷陽問路答之
東人垂淚向君侯石闕祠堂不可留家近峩嶷
思蜀雪身將愛子入炎州心清碧海珠難寄道
暘梅關火正流賴是雷陽舊遷客題書堪寄雁

湖秋

見東人扶道遮畱曾明府者曾故蜀材曉
朗再考人無間言數薦宜以高第內徵
苦貧甚旁郡貴公子索之不能應遷廉
州丞士民悲而祠之婉戀三日亦異也
廉吏不可爲而可爲

却從常調過梅關吏部那知父老攀路入瘴雲

隨桂遠心將明月看珠還扁舟曉夢連王峽銅
柱高牙制百蠻特爲東人畱信宿思君常在大
廉山

送晏禮垣陪都公臨川沙河元獻後徙寓
南昌時封事十不報一風景去予祠部
時遠慨焉

春酒纔醺晝錦濃千山欲送雨重重江花日出

把諫草天回下幾封家近章門移市宅班
兼祠部憶朝鍾千年相國風流在長向沙河問
濯龍

寄蔡叅知江陰叅知先公長憲於越而余
于南署時有目成之契懷之

耆舊相思日幾過八閩簪紱最情多新叅按節
風雲遠舊署含香雨露和江館夜燈留燕語海

門春汛屬渙歌扁舟一卧堪來往別恨年年賦
淶波

清都一飯許年華每夜章門望劍花上路旬宣
新節鎮外臺官屬舊通家衙參曉散江沉月翰
墨晴飛海上霞乘興就君拚一醉慧泉新火畫
溪茶

送黃炯正

縣談交玉馬羣獨留芳月照餘醺燈深遠座
江湖色年少承家錦繡文豈有門墻高日月長
存逕路接風雲君歸莫似春歸急病起鶯聲得
乍聞

病起檢理破篋中見蕪陰故人俞白麓陳
王庭夏辛岑劉居仁書法然久之

年少過逢得好看故人無在獨平安雲霞過客

情千里風月關人事幾般語笑目成春夢遠吟
愁心逐夜江寒拚知不作重遊興便去新歡豈
舊歡

送東鄉翁明府北徵暫歸常熟并懷長公

青瑣

祗聞中秩賜黃金何意徵書卽下臨七夕星河
隨棹遠十旬膏雨訖庭深謳歌幾處柑棠色建

禮中宵視草心曾是金門連夕拜雁行清切鳳
凰音

饒二十舅到中黃渡不欲西朝之

好風長日病留連頭白相過四十年便作雨添
衣帶水豈無人泊釣絲船心衰祇覺身難寄累
淺纔知老較便試問沉吟閨閣裡何如調笑酒
壚前

送黃冲輔西歸并示李孺德

風漸蘭澤自名邦
騰馥懷書玉茗牕
來似枉川窺劍浦
歸從間道得清江
三冬雪借寒暄盡
千頃陂看意氣降
勝事眼前飛將在
射鵬吾意欲加雙

送金谿丁明府北徵暫歸宜興

六年徵拜詔書遲
千里幘帷士女悲
暫借刑名

推長者終拚意氣
答明時褰帷欲佇
雲林色襍被徵開
善卷祠郎位一星
休更徙名賢多在
白雲司

送胡瑞芝以東粵右丞入都行仲秋大慶

禮 萬壽日十七 千秋日十三 奇逢

盛際也時君方以平播功貴望之

十年清望紫薇臣
南極星趨拱北辰
萬歲歲當

嵩九祝千秋秋正月重輪芝英瑞寫雲中表金
鏡光傳海上珍况是平南多事日衮衣推鉞更
何人

新買谷南高岡卿比舍卿病廢卧久追念

昔時歌酒泣焉

沙井西頭少僕居江梅趙禮昔賢餘新知一病
同歡少廢里千金買宅虛月卽笑聲分的皦風

前棊興覺消踈猶憐出餞鳴騶日誰信接輿歸
草廬

送查虞臯叅知以悼亡無子致政歸餘杭
十年簪履記行暉起拜新叅今復違獨夢越山
江嫋嫋雙旌滕閣雨霏霏芟荷香動歸心遠伉
儷情傷春恨微向後東山仍不免遶堂蘭桂一
牽衣

忍將高卧向明時
春望瀾瀾春氣悲
水淥西冷懸夢早
花飛南浦送歸遲
清標豈分風塵得
遠意將爲猿鶴私
獨嘆吳公舉年少
一時門地拜尊師

時吳體中明府薦余于弟上學者四人及之

送胡瑞芝開府貴州公美容溫度前以平

播功賜一品服及之

楊柳青絲繫玉壺
相看那得便長驅
天閑奉御

收龍種邀道將軍
佩虎符節鎮舊移
川北好平旄曾過
水西無年年繡服
春風裏今日麒麟
見畫圖

奉答石楚陽

晴雪初霏木葉紛
遠憐同病得相聞
衣簪正渴黃梅雨
枕簟常思廬岳雲
壯氣一官成自免
暮情千里更何云
箋詩閉閣渾閒事
長伴漁樵到

日曛

送淮揚分司吳年兄并問謝山子

十年南署水衡清大府仍高京口名不惜鹽車
催遠道那堪驥櫪起長鳴門連水墅青尊色路
遶江關鴻雁聲暫過維揚作鄉語吾憐小謝最
才情

送楊太醫常山

倦遊心跡自悲傷耆舊相過語興長傲吏久忘
蒼嶺路仙家仍住玉龍鄉三秋采艾思盈掬五
月浮蒲客在堂歎食幾時那便去肯憐衰病一
留方

答孫鵬初太史華容

蕭條塵外省追攀獨有懷人意未閒夕拜共瞻
星斗下晝遊長望水雲間波生木葉連江渚寒

動秋烟隔楚山借問湘沅舊仙客一時捐珮幾
人還

何年太史動浮湘行遂初衣理芟裳春思路漸
汀芷綠秋悲庭覆井梧黃百年緩步高曾後千
里同心屈宋傷今日登高成獨醉洞庭相憶酒
泉香

別石帆兄嘉禾

楓落吳江一小航繡衾無語夜登床如予欲作
山中相似爾能拚水部郎去日漸多烏遶樹舊
遊誰在馬驚香無緣更踏東華月鶯逗湖西一
斷腸

九日答王天根

湘騷長分見無因千古談交得遇旬堂上燭花
偏俊客江邊雨雪正離人初悲卧病江湖遠猶

憶探春洞浦新舊俗龍山高興盡終朝采菊爲
誰親

送楊龍泉兼問平昌舊士民作

十縣龍泉稱大方遠來人吏亦冠裳河橋舊聽
吹簫好秋色遙看製錦良每及同官趨燕堠頗
思前令在平昌蓮花遶郡還堪賞爲寄雲霞墨
數行

別館尊開叢桂秋好溪千里舊曾遊仙人榜上
朝霞重君子堂深宿雨稠梓社青雲殊自喜桐
鄉白髮更何求少微星動重遊日會向留槎閣
上留

送顧亭之東歸

耆舊熒熒江夢悠素衣初見草堂幽山王去後
風期盡公子來時氣色留獨夜雨聲思秉燭東

行雲樹憶歸舟君家兄弟如羣玉衰白能從顧
後遊

送王松潘寄懷蔡參知威茂

長安西盡一維州獨坐邊樓得借籌萬里軍儲
從灌口百花風物寄遨頭懷湘賦許江籬泣入
蜀書因蒟醬求未愛玉郎輕丸拊同官欣作錦

言遊

送徐鍾汝守莆

萬里雲開五馬行一時風雨駐高旌人遙白下
通來往家近南州失送迎到羆自憐冠蓋美還
鄉真作錦衣榮因公漲海銷炎暑六月莆塘對
國清

平昌鐘樓晚眺

可憐城市欲紛紛直上層樓勢入雲獨樹老僧

歸夕暝一山棲鳥報斜曛初驚梵唱凌空靜還
隱鍾聲入定聞忽恠夜來星劫曉諸天於此震
魔軍

入粵過別從姑諸友

祠郎杯酒憶京華夜半鈎簾看雪花世上浮沉
何足問座中生死一長嗟山川好滯周南客蘭
蒲傷楚客家欲過麻源問清淺還從勾漏訪

卅砂

寄贈分宜李淮南明府奏最

久辭雲漢絕通津千里餘光恰照隣仙鳥候占
朝朔遠微陽江動楚萍新風烟入望能忘興湖
海論交必有神傳道淮南續招隱宜春春酒正
宜人

喜陸君啟進士榮歸大越爲母馮太夫人

詩

九卷

三三

壽

當年曾誤食金桃親見雲中陸字高壽母自傳
天女籍仙郎新着漢官袍芝殮嶺宴逢初度花
勝宮簪映二毛海月半天春共遠時從西母聽
雲璈

驛下蓬萊氣色新陸郎歸喜報慈親元常閨法
應千載天姥晴光始六旬玉樹臨風香遶席碧

不覺露醉宜春心知彩袖家園裏笑問當年懷

橘人

送岳石梁仲兄西粵

汝兄顏髮舊蕭然十五從君計吏年世事始知
碁局淺悲歌全賴唾壺堅春光老去碧湘盡瘴
雨青來寒燒連欲向蒼梧同謁帝一時魘夢九

嶷烟

詩

九卷

三四

夜半傳盃玉茗堂

月千里寄宜陽登朝積歲

遊何薄失路逢

語自長客興滂隨春草綠臣

心

時獨宿天台上風雨莓苔看

九日送王與父兄東下作

夕照離離江上楓微軀渾欲送江東驚看壯節
同心友來共黃花白髮翁獨宿自傷千里外重

遙相憶百年中蒼茫後會知何得猶望加飡涕
淚同

得湘中陳獻可書感寄

獻賦明庭坐數竒黃沙匹馬憶追隨百年夢盡
沉湘客千里書開采艾時戶刊薌泉宜漬酒家
臨韶石好吟詩相思會面終難得便作覓招祗
淚垂

哭戴愚齋老師師微病書偶語于門落筆
而逝語云百年混世今朝始得拋除一
笑歸真俗客無勞挽弔

生死虛空一暮朝由來得道始逍遙心迴日月
光猶曷夢落江山氣未消清嘯似聞雲鶴舉墨
花長擬鬢絲搖千秋不受巫陽弔雪竇雲門赴
大招

送王元對歸郢

千秋有客自臨川晴雨相看笑語前大好歡來
逢去日肯因愁別緩流年風軒遠竹江籬色浪
柁全開郢樹烟向後心期寒夢裏楚天蘭雪倍
應憐

送周咸寧應召公家舒莊僖同里期之

忽忽登高望不窮一州冠冕錢城東孤舟向鄂

留春色駿馬趨燕起朔風太史自占鳧鳥影陶
潛偏笑菊花叢臨川氣脉西南好曾是尚書給
事中

送嘉水趙孝廉明南度嶺

先朝名諫趙當湖祖德文心世不孤賴有壺觴
稱地主敢將絲管寄門徒江臯客借經時卧海
國春隨至日敷莫向美人輕弄壁連城須在帝

王都

送王孝廉東旭還越

軒車未敢拜迎疎咄咄尊前風雨餘問偈僧來
頻薦語倦遊人去恰題書元龍有榻高留客枚
乘能文病起予向後永安新夜月海天遙對一
舟虛

樂安張聖如明府以廉能第一入覲喜而

贈此

至日青旂散曉寒，尚留殘雪美人看。
潘輿在御難爲別，陶徑新開畧盡歡。
岳夢遠連承露掌，棠陰初覆切雲冠。
天書得借廉平色，一遣鳳行見鳳鸞。

奉和吳體中明府懷達公

雨花天影見時難，仙令書開九帶殘。
身外有身

雲破曉指邊非，指月生寒知他曲。
向誰家唱聞汝心將何處安，爲報虎溪殘笑裏。
幾人林下欲休官。

再次吳明府韻寄太史仲父之作

歌聲出谷採樵還，隴麥參差雉子班。
每聽遷鶯來戶外，親知列宿在人間。
詩分錦帶搖新月，花發河陽憶舊山。
未問樅臺射蛟處，烟波誰許釣

竿閒

送朱懋忠平湖

通家常擬後輝光
得子成名笑欲狂
一座郎官高列宿
十年耆舊見甘棠
江山到日春寒盡
桃李開時墨綬香
自古公才從治劇
莫輕疎嬾似平昌

送費師之寄兆卿

未須裘馬去翩翩
風物名家自皎然
數幅輕羅留結苧
一盃芳草寄題箋
青衫客散河橋暮
雨春歸寒食天
定向林間呼小阮
荷湖新着釣魚船

送牙

通家常擬後輝光
得子成名笑欲狂
一座郎官

魚融

宿十年者舊見
甘棠江山到日春
寒盡

雨春融寒食天
宮向林間利小
到荷賦滌香

留餘草一盃
芒草寄馭麥
青溪客蜡回
融融暮

未食麥魚去
臨臨風吹各
寒自外然
幾到

